

四庫全書

集部

欽定四庫全書

集部  
曝書亭集卷

二十九  
三十

詳校官庶吉士臣汪彥博

助教臣常循覆勘

總校官降調編修臣倉聖脉

校對官檢討臣盧遂

謄錄監生臣趙立榴

欽定四庫全書

曝書亭集卷二十九

翰林院檢討朱彝尊撰

詞六

茶烟閣體物集

下

一枝春

梅

竹外橫斜一枝春最近曉寒  
牖戶翠禽軟語喚起石闌  
題句東風舊日曾飛上那人  
眉嫵幾閒却翦綠心情覓

到小園深處 前村酒旗低舞 試閒攜畫榼重修簫譜  
梨雲淺駐未信 夢魂無據 玉鱗殘月襯香雪馬蹄歸路  
乘餘興更上吳船 虎山橋去

疎影

黃梅花

橫斜滿院見蜂鬚亂疊 鶯羽新翦冷綴苔枝 疎影羅羅  
休令雀豹窺見 天教漏泄春光 早把多少芳心 輕展最  
愁他金屋香寒 長是曉風吹面 折向妝臺 看取對將  
明鏡裏 鴉額深淺 澹月微籠 椒壁初昏 留映謝娘詩卷

難禁一曲山香舞膩蠟淚銅盤千點記夢中人在羅浮  
杏子單衫烟染

東風第一枝

杏花

渡柳初眠官梅已褪又看春色如許水村山郭殘陽立  
馬亂紅無數仙人此住也憐取滿林香霧酒旗風搖曳  
黃昏開徧冷烟疎雨 休忘了曲江歸路試說與冶游  
伴侶最愁零落芹泥半教燕飛啄去賣花聲遠料深巷  
明朝何處倩个儂曉日新妝插向鬢雲斜吐

紅娘子緋桃

露井繁英積香逕游絲織宿雨猶含暖波頻漾短牆愁  
隔記少年尋到赤闌橋得仙源消息最恨東風急飄  
上春泥濕易掩重門難逢人面斷腸空憶便浣花牋紙  
染輕紅也無他顏色

殢人嬌垂絲海棠

蠟蒂何長紅絲齊綰算風信梨花尚晚一番雨過一番  
春暖似卯酒人慵鬢釵橫亂日炙逾明鶯銜不斷伴

蝴蝶深枝眠慣，頰燒銀燭更浮。金瓊任桃李漫山，有誰  
人看。

綺羅香

玉蘭

紅木棉苞紫辛夷，襖詎勝縞衣。霜袂雪不封條，但向花  
房凝綴。露一簇碧牡丹芽，少幾點翠梧桐子笑。依然玉  
樹陳宮，胭脂肯浣井中水。佳辰纔過上巳，說與采蘭  
人道。休尋溱洧第一瑤臺，月姊交光相對。便著雨轉覺  
瓏鬆慣。臨風未應憔悴，似搓酥滴粉，張濃喚來深院裏。

張濃宋南渡初甲伎左譽  
贈之詞有滴粉搓酥句

搗練子

再過瞻園值玉蘭花放同蘅圃耕客賦

高曝粉淺窪銀瓏幾樹淨無塵勝屏風點染新  
一別此五經春綺羅香憶按歌頻笑依然舊酒人

玉樓春

繡毬

玉毬繡出今番早蝶翅蜂鬚迭迴抱一年一度雪成團  
半雨半晴春未老者回上樹青猿報合配鞞紅香入  
腦枝頭能得幾人憐落地始知花亦好

洞仙歌 合昏

翠陰如幄，綴青囊無數。曾記開時未重午。伴荷風、榴火

結實千房，蠲忿處，猶自朝朝暮暮。

合昏花開最久，吳俗謂之百日紅。

滿庭香不散，持比吳絲翦破同功。繭千縷，愛微風敲側  
淡月惺忪。酒初醒，夜深微雨，便晨光朦朧。小牕晴，試護  
取同心，不教輕吐。

減蘭 夾竹桃聯句

石闌干，曲試問，是桃還是竹。  
葵尊鳳子來時，捧土移根。

定武瓷

魏坤

崔徐花朵布葉終須文與可

彝尊

吹徧

溫風長伴樽前一簇紅

坤

東風第一枝

白楊梅

亂鳥歌殘萼絲擷罷冰厨夏果須薦卑枝壓地無塵繁  
陰滿園如繖涼柯新翦早水市筠籠傳徧問隔江誰送  
輕帆鶴頂半山翻賤便流齒瓠犀詎軟便入手葱根  
不染任教肌粟長生愁他翠盤頻轉玉容消暑最憶是  
湘湖南畔怕餐來晚飯都忘莫被枕樓人見

明月擢孤舟枇杷

幾陣疎疎梅子雨也催得嫩黃如許笑逐金丸看攜素  
手猶帶曉來纖露寒葉青青香樹樹記東谿舊曾游

處日影堂陰雪晴花下長見那人窺戶

謝瞻枇杷賦承  
奕果乎纖露白

居易詩况對東谿野枇杷謝靈運七濟云朝食既畢摘  
果堂陰春惟枇杷夏則林擒楊巨源詩枇杷花下閉門  
居

邁陂塘

曹侍郎席上食攜李同右吉融谷賦

錦淙鳴行廚竹裏玉盤寒水初注未須雪藕黃瓜伴早

釋人間煩暑名最古記轍迹東西魯叟曾書汝吳洲越  
渚傍折戟沙邊芳根蟠後幾濕戰場雨 房陵種三十

六園佳樹也愁聲價輸與西施過此曾潛掐一縷纖痕

留取小摘許慎莫被來禽偷眼銜將去薰風且住漫染

就輕黃青青攜付乞巧小兒女

錦淙侍郎倦圃名李每顆留爪痕傳是西子

曾  
掐

洞仙歌 椒攬

南枝青子架唐梯難翦試灑紅鹽褪都徧笑燕姬就酒

歷口漿酸眉峯聚又早芳津頻噉 河豚春正美荻箭

萋蒿和就香羹儘人勸更憶夜闌時配取茗柯消殘醉

滿傾壇盞看懷核兒童真嬌愛插向蘭膏燭花齊颯

酉陽雜俎獨根樹東向枝曰木威南向枝曰橄欖嶺表

錄子繁樹峻不可梯緣但刻其根下方寸許納鹽其中

一夕子皆自落蘇子瞻橄欖詩紛紛青子落紅鹽王元

遺白樂天詩漿酸橄欖新 嘉靖蕪壇杯中有茶字

五絲結同心 荔子

繁星著樹綠葉垂枝撲帳火雲朝熱錦鳥餐難盡定銜

到十二層城調舌是誰賭取羅囊紫看一騎飛塵相接  
晶盤瑩嫩紅輕擘纖指忽噤寒徹 炎天亂堆香雪且  
莫從卯酒乍醒人說光研吳綃薄瀟湘水風皺半痕裙  
褶冰肌綽約看誰似庶亭裏瑤妃無別記少年翠帷髻  
髻一點甘脣初齧

暗香 紅豆

凝珠吹黍似早梅乍萼新桐初乳莫是珊瑚零落敲殘  
石家樹記得南中舊事金齒屐小鬟蠻女向兩岸樹底

盈盈擡素手摘新雨  
延佇碧雲暮休迨入茜裙欲尋  
無處唱歌歸去先向綠牕飼鸚鵡惆悵擅郎路遠待寄  
與相思猶阻燭影下開玉合背人暗數

滿庭芳

佛手柑和嚴蓀友

青豆開房白牛露地春浮一樣根蟠風簾乍卷芳氣訝  
燒蘭不比金仙十二承珠露倒瀉銅盤雙林底知他鹿  
女幾度踏花看園官傳送處烏皮旋設兔瓊初安勝  
甘蔗乳臭椒攪漿酸攜到六街三市津梁倦彈指霜寒

鏤酥片餘香未減分配小龍團

霜葉飛

詠柑同魏高平作

昔游曾記泥山路青林纔二三里枝頭行蟻拂還來正  
十分黃膩湏不似甜桃醋李樽前別有閒風味見翠竹  
擎籃惹重露新霜指爪都著香氣 回憶上日春盤羅

幘輕裹个个鎔蠟封蒂歸時笑遺細君看剔殘燈紅蕊  
枉想像金坡舊事歲星今謫人間世判洞庭全家去編

插牆陰恣攜懷裏

韓彥直摘錄温州四邑俱種柑而出  
泥山者推第一山如覆釜其傍地延

裹只二三里許出此則香味遠不逮嵇含南方草木狀  
壺柑窠如薄絮蟻在其中并窠而賣柑樹無蟻則其實  
為蠹所傷黃山谷詠柑詩香著樽前指爪間隋書文帝  
好食柑蜀中摘黃柑即以蠟封其蒂獻之蘇詩歸來一  
點殘燈在猶有  
傳柑遺細君

秦樓月 金豆

橘田秋吳儂摘處霜花浮霜花浮玉盤的歷偏惹閒愁  
酒闌燭暗羅衾慵手香夜半潛相投潛相投十年舊

事忽到心頭

減蘭 橙

朱藥幾樹愛惜芳根移細雨鵲殼重紋作意秋涼已十分  
一年好景玉白金齋長記省有底酸漿搗處真憐  
透甲香

玉樓春

柳

柔條曾記春前種乍起三眠妍手弄烟初暮歷態真濃  
絮未顛狂絲尚重依依別緒長亭共舊雨殘陽空目  
送一灣流水小紅橋留與斷腸人作去聲夢

減蘭

楊花

楊花無緒不管人愁高下舞筆架書籤纔拓牕紗處處  
黏東風語汝吹入謝家池閣去詠絮人間憑仗東風  
忽自前

疎影

秋柳和李十九韻

西風馬首有哀蟬幾樹高下聲驟村外烟消水際沙寒  
斜陽似戀亭堦絲絲縷縷紛堪數更髣髴葉初開候待  
月中疎影東西思共故人攜手 搖落江潭萬里繫船  
酒醒夜長笛京口讀曲歌殘曉露翻鴉蕭瑟白門非舊

赤闌橋畔流雲遠，遮不住短牆疎牖。話六朝遺事，淒涼  
張緒近來消瘦。

原作

李良年

旗亭隴首正新霜，乍點斜日風驟。一片秋聲，幾樹蕭  
疎，驚心十里津埃。行人欲折還教住，為記得別離時  
候。灑渭城朝雨如烟，曾向畫橋分手。何處無情玉  
笛，忍教一夜裏吹墮。江口繫馬無人認，取寒枝惟有  
晚鴉依舊相思。最是鴛鴦渡，應漸冷碧紗牕牖。縱待

得來歲春還只恐那人腰瘦

臨江仙

寒柳

綰得舊時離恨否風前一樣絲絲送人折盡夕陽時昏  
鴉餘幾點莫認早鶯兒憔悴侶條渾不是菱花記取  
雙眉秋聲誰與寄相思章臺疎影在只剩兩三枝

瀟瀟雨

落葉

秋林紅未足怪酸風一片舞遙堤任高高下下蕭蕭撼  
撼策策悽悽岸背籬根壓徧驚斷草蟲啼只有蒼涼月

來照鴉棲 却似游蹤不定 謂當南反北 旋又東西 縱  
吟邊倚杖 樽酒正堪攜 然茶鎔故人來 否怕空山舊徑  
一時迷颺 颺響悵無眠 夜聽到荒雞

玉女搖仙珮

白鷗

枕柳葉暗茱萸叢 深舊是雙雙 栖處玉羽初迴 風毛誰  
鍛百徧對人 猶怖悶把芳時度 總無言不比聰明鸚鵡  
待移伴庭前 孔雀還怕金花翠尾 須妒丹青頗難描 黑  
白分明千絲萬縷 曾記謝家賦雪皓鶴爭鮮 點綴瑤

階瓊樹十二畫欄紅妝相見定自愁添眉嫵有得春多  
許也空掩風雨重重朱戶况遠客頻年嶺外秋來見月  
驀然回顧歸期誤今番索遣開籠去

八寶妝

舞孔雀

庭暗娑羅山明躑躅正值好春時候不用紅樓三十級  
合在迴廊踈牖朝來彈指阿誰妒殺芳心綠蕤響處開  
難驟絕勝織成步障編他銅鈿看場壓倒牕櫺一迴  
舞旋更教人立屏後數項翠尾花如縷怎染出輕紈圖

繡除非是邊鸞好手，郁伊聲裏低丹味。問飲眼蠻奴莫

銷殘碧暗金否

孔雀舞將罷以味著地鳴乃斂其羽

花犯

鴛鴦

曲池塘天教付與雙棲，夜深並綠蒲分映。任夢裏隨波，烟外交頸圓沙一片斜陽冷。多應睡未醒，看足了浣衣人去。蜻蜒移釣艇，采蓮渡頭最愁他。清歌纔起處，驚飛難定。齊浴罷花潭下翠牽紅凝。休緣却竹弓射鴨還。自去空江千萬頃，正好伴水亭風檻。低垂羅袖影。

臺城路 鷺鷥

謝池最愛鮮禽好當年惠連曾賦紫荇絲邊水藻花外  
長見伊窺魚住乍翻淺渚訝拍拍隨波欲低還舉占得  
圓沙慣拳一足久延佇 采蓮舟漸近也笑紅裙按楫  
不教驚去荻岸偏明蘋風慣浴涼月氤氳絳羽曲江人  
渡指隱約秋潮望中生處纔挂魚罾又飛來別浦

月華清

王阮亭侍讀書齋詠山鷓侍讀詞有妾  
是桐花郎是桐花鳳之句故六七及之

白頰梳頭繡纓竹外輸他絳羽娟秀何處飛來料自苑

桃宮柳縱不比么鳳桐花合賺得新詞消受紅豆拚分  
了鸚哥任伊閒咒 相見海棠初綻早落盡芙蓉雪梅  
香迤移入重簾伴取玉蝓金獸記點染窠石春林費多

少巧心妍手描就試開籠放爾戲猿能否

宣和畫譜黃  
居家有海棠

山鷓圖丘餘慶有芙蓉山鷓圖吳元瑜有雪梅山鷓圖  
易元吉有窠石山鷓圖崔白有春林山鷓圖崔慙有戲  
猿山鷓圖

江城子 黃雀

江鄉風物客中論  
傍籬根啓柴門  
翦翦西風紅稻倚斜

曠長記張羅秋九月南馬嶆北陶村  
充庖俊味我思存坐黃昏引清樽  
持此香橙蒸栗色難分凝想流匙真  
个滑全不數鳴餽飴

琵琶仙

秋日桑乾河上見雙白燕詠之

遠渚秋光乍疑是兩岸蘆花如霰  
剛得軟語輕迴差池轉堪戀思一縷  
紅絲繫住怕飛入掌中難見明月樓  
臺梨花院落曾否尋徧問何事沙際  
飄零惹西去潘郎鬢都變爭向水晶  
簾外對曉風初卷看畫閣銀釵幾許

留伴他傅粉人面借取玉女縫衣一雙并翦

東坡引

鷓鴣

洄浴潭裏浴波圓明鏡蹴濃花淡柳西湖曲臨流看不足  
晴沙遠映淺水撲鹿鎮日夜鳴相續采蓮人去菰  
蒲綠一雙飛又宿一雙飛又宿

長亭怨慢

馬

結多少悲秋倚侶特地年年北風吹度紫塞門孤金河  
月冷恨誰訴迴汀枉渚也只戀江南住隨意落平沙巧

排作參差筇柱 別浦慣驚移莫定應怯敗荷踈雨一  
繩雲杪看字字懸鉞垂露漸敲斜無力低飄正目送碧  
羅天暮寫不了相思又蘸涼波飛去

滿庭芳

鷺

染柳分飛黃靈較素持比溪絹尤妍白毛紅掌羣汎撥  
輕漣只合呼他舒鴈無端是引頸嗔船荷香下半醒半  
睡側眼小如錢 江天農務了柴荆開處頻數村前任  
殘陽曲岸水偃沙眠客至還堪對酒閒時節換取籠邊

兒童問山陰舊事說與永和年

五代趙才以畫鷁得名  
有尚香下睡鷁圖錢之

輕者曰  
鷁眼

邁陂塘鴨

任方塘羣游孤泛愛他不染泥滓避人纔見鷁飛去又  
早紛紛低墜堪妒是曾消受夜深每並鴛鴦翅竹弓漫  
試對黑白分明欄邊鬪罷芳草一茸翠揚瀾好兩槳  
吳船小背采蓮人弄烟水晚來笑把紅裙裏觸損冷花  
濃蕊歸也未正一色秋江濼濼波千里移來簾底鑄就

小鑪熏屏帷深處長傍繡衾睡

水龍吟 觀洗象作

涼波曉色城西路趁著熱風猶未引來舞隊依稀晉日  
黃門鼓吹垂鼻鱗困旋渦遠近欲沉還起看雲旗搖處  
更番催去偏會得蠻奴意 夾岸人家此際步跋躡紫  
駟難繫踈簾隱隱輕容小袖笑聲齊指赤日徐高黃塵  
又徧鈿車流水剩白頭官監相攜柳下說前朝事

掃花遊 駱駝

白龍堆遠傍獨樹烟平草痕如翦卧沙最淺慣齧罷戎  
鹽紫髯都斂拂起鞭梢奴隊安行愈緩夕陽晚料穩坐  
上頭人意先倦 江國知少見指背錦糝糊柳陰高岸

側峯半偃笑零丁帖子戴家傳遍記取形摸小玉羊脂  
新碾筆牀畔鎮紅箋不教風展

漢戴良失父零丁曰食不能嚼左右齧似西域

駱駝

木蘭花慢

孫懋叔以山獐見貽賦謝

孫郎真愛客分異味到寒庖尚髣髴童時鹿邊曾見照

影驚跑弓韜，餓鴟叫處想風生。耳後落飛鷗，誰向原頭  
飲血一鞭歸騎橫捎。毛炮嫩滴瓷罌漿，乍洗析成肴。  
任滿薦辛盤，椒花頌罷荷葉堪包。西郊雪晴，人日擬重  
尋退谷，半山坳笑擘春前紅脯醉吟小閣松梢。

雪獅兒

錢葆勸舍人書詠貓詞索和賦得三首

吳鹽幾兩聘取狸奴浴蠶時候錦帶無痕搗絮堆絲生  
就詩人黃九也不惜買魚穿柳偏愛住戎葵石畔牡丹  
花後 午亭初迴晴晝斂雙睛乍豎困眠還又驚起藤

整子母相持良久鸚哥來否惹幾度春閨停繡重簾逗

便請爐邊叉手

吳俗以鹽易貓故陸務觀詩有裹鹽迎得小狸奴之句錦帶貓名見妝樓志黃

庭堅乞貓詩聞道狸奴將數子買魚穿柳聘衙蟬李璜送貓詩衙蟬毛色白勝酥搗絮堆絲亦不如又家家入雪白於霜更有敬鞍似鬧裝便請爐邊叉手坐從教鼠子自跳梁何尊師有戎葵太湖石貓圖趙昌黃荃徐熙崔白俱有牡丹戲貓圖易元吉有藤整戲貓圖又子母貓圖唐宋畫家多有之

又前題

勝酥入雪誰向人前不仁呼汝永日重階恒把子來潛  
數癡兒騃女且莫漫絲絲牽住一任却食魚捕雀顧蜂

窺鼠 百尺紅牆能度問檀郎謝媛春眠何處金縷鞋

邊慣是雙瞳偏注玉人迴步須聽取殷勤分付空房暮

但喚銜蟬休誤

閩朝隱鸚鵡貓兒篇序云貓不仁獸也路德延孩兒詩貓子絲絲牽黃荃有食

魚捕鶴二圖郭乾祐有顧蜂貓圖盧廷讓詩餓貓窺鼠穴

又 前題

磨牙澤吻似虎分形眼黃頰辨炎景方長試驗鼻端冷  
暖茴香叢暗撲不住螻蛄一點更尋向籬根紫芥石稜  
紅菟 醉了勃荷頻顫訝搔頭過耳水痕初浣消息郎

歸休把玉鞭敲斷平陵傳徧問齧鎖金錢誰縮風吹轉

蚨蜊驚飛凌亂

何尊師謂貓似虎獨有耳大眼黃不相同其畫澤吻磨牙無不曲畫酉陽雜俎

貓鼻端長冷惟夏至一日暖滕昌祐有茴香戲貓圖黃荃有螻蛄戲貓圖吳元瑜有紫芥戲貓圖何尊師有菴菜戲貓圖俱見宣和畫譜米芾畫史云黃荃狸貓頭勃荷甚工酉陽雜俎云貓洗面過耳則客至陸游老學菴筆記馬鞭擊貓節節斷折又酉陽雜俎云平陵城古譚國也城中有一貓長帶金鎖有錢飛若蚨蜊

原作

錢芳標

花毘卧醒又閒趁十二欄邊一雙蝶舞繡倦空閨幾  
徧春纖親撫奔騰玉距亂蠅拂紅絲千縷試驗取雙

瞳似綠庭陰日午 好是蠶時早乳問當年果否共

調鸚鵡八蜡迎來何處遠村巫鼓雲圖錦帶漫搨得

張家遺譜燈明處合對金猊小炷

張泌妝樓記云張搏好貓有雲圖錦

帶諸名價  
值數金

### 催雪 席上賦黃鼠

倦擁癡牀寒禦旨蓄多事拱人雙眉惹花豹騰山地猴  
臨穴五技頓窮就掩趁快馬攜歸捐殘雪剗肝驗膽油  
蒸糝附寸膏凝結 鏤切俛味別耐伴醉夜闌引杯稠

疊更何用晶鹽玉盤陳設一種低徊舊事想獨客三雲

愁時節喚小伎並坐教嘗聽唱塞垣風月

黃鼠產雲中劉績霏雪錄

黃鼠穴處各有配匹人掘其穴見其中作小土窖若牀榻之狀則牝牡所居之處也秋時蓄黍菽及草木之實以禦冬天氣晴和時出坐穴口見人則拱前厥如揖狀即竄入穴惟畏地猴地猴形極小縱入其穴則喙曳而出之味極肥美元時曾為玉食之獻置官守其處人不得擅取也酉陽雜俎鼠膽在肝活取則有梁韋琳鮪表以臣為糝熬將軍油蒸枝尉花豹鷹之小者專搏黃鼠

臺城路

蟬

岑根化就初無力溫風便聞淒調藕葉侵塘槐花糝徑

吟得井梧秋到一枝潛抱任吹過鄰牆餘音猶嫋幕地  
驚飛金梭為避粟留小長堤翠陰十里冠綫都不見  
只喚遮了斷柳亭邊空山雨後愁裏幾番斜照昏黃暫

悄讓弔月啼蛄號寒迷烏飲露方殘曉涼嘶恁早

稽聖賦  
琴

根為蟬援神契蟬無  
力故不食遮了蟬聲

又前題

蛻餘不作游仙夢炎天愛浮涼吹抱柳眠慵棲槐影合  
隨分小園堪寄綠陰滿地慣獨自悠颺一絲風裏咽住

殘聲哀吟又聽別枝起  
柴門亂喧雨後濕雲斜照落  
霞斷魚尾南陌離亭西風故國多少愁人盈耳兒童此  
際冒蛛網檐牙筠竿樹底為恁驚飛絃桐移素指

前題

華亭  
高層雲二鮑

枕屏曉殢行雲夢却還被伊催斷苦調才終悽吟還  
續遞寫幾番幽怨柳塘聽倦愛竹院新涼數聲差緩  
曲奏迴風蕭蕭落葉玉階滿  
愁聞最是旅客對前  
村幾樹頽照敲岸響咽尤悲音長漸澀引起離情無

限當年蜀棧和嶺畔啼鶻鄉心曾亂一片秋容淡雲  
凝望遠

前題

李良年

滿階榆莢過牆竹日長初埽三徑鳩婦呼殘燕雛飛  
後不許草堂人靜隔林遙聽恰吟侶參差綠陰遮定  
長記拋書聲聲如在最高嶺柴關應誤來客亂喧  
晴葉底剝啄難省葵扇慵揮挑笙乍展午夢幾番催  
醒井梧秋冷漸移近朱闌有人閒凭一笑回身鏡中

看鬢影

綺羅香

和宋牧仲別駕詠螢

挾火難溫侵星易墜留拂井梧檐樹傍牖易闌暗裏慣  
窺人住渾不辨鬢霧殘妝又何況縠塵纖步際新涼團  
扇初閒輕羅撲付小兒女 歲蕤深鎖院靜攜照相思  
錦字練囊縫取憑仗微風方便更教飛去逗屋角蛛網  
圓絲避葉心豆花斜雨恣意向月黑池塘夜闌高下舞

花心動

蜻蜓

舞拂波光齊上下，早是薰風池館蟬翼還輕，蠶尾偏長。  
記取狐梨曾喚釣絲，愛向人前立見幾度欲飛，猶緩花  
陰小。伯勞穿過，也能偷眼。點水移時款款，乍紅裊蕩。  
枝翠停荷，管卷幔涼多，傍檻晚晴影織。夕陽莎岸有時  
忽上玉搔頭，全不怕佳人羅扇纖羽響。一翦鬢雲撩亂。

南鄉子

蛩

涼月澹影踈踈，豆葉新黃，架未除。好似縹車鳴不住，來  
又去。秋燈慣伴愁人語。

玉人歌

杭州玉泉寺池中五色魚凡千頭內一種翠藍者最可愛賦之

輕漣白愛一種  
姪隅暈藍拖碧練  
塘風煥蒼玉恣拋擲  
丹砂泉淺游朱鬣  
受盡人憐惜  
又爭如雨過天青者般  
顏色  
濠上未歸客  
投香飯青精日斜與食蓮葉東西  
何事便深匿  
翠鱗六六空搖尾  
嬾遞閒消息  
但年年映  
取柳陰千尺

後周時請瓷器式世宗批其狀曰雨過天青雲破處者般顏色作將來

探春慢

河豚

曉日孤帆腥風一翦  
販鮮江市船小滌徧  
寒泉烹來深

院不許纖塵舞到聽說西施乳惹賓坐垂涎多少阿誰  
犀箸翻停莫是生年逢卯閒把食經品第量雀鮓蟹  
胥輸與風調荻箭將芽萋蒿未葉此際故園真好鬪鴨  
闌邊路猛記憶溪頭春早竹外桃花三枝兩枝開了

桂枝香

蟹

新霜晚渡見燃葦鴻天落潮魚步盡掩青筐縛急腥涎  
齊吐津門水市無人問聽軋軋小車鳴路攜來九陌不  
知還有酒徒閒否又何况鄉園秋暮任空江築舍斷

沙名浦酥片金穰那管玉纖黏住橙陰菊外登高宴捉  
鮑陽壘邊儔侶年年長擘燭斜畫舫水涼朱戶

畢卓鮑陽人

又前題

緯蕭截水見半漾湖波半撐湖紫此際菱歌漸少滿塍  
香穗漁師菰飯新炊後任敲斜楫頭船檣爬沙響處連  
江露白一燈紅細便八跪雙蓂都利被寒蒲束縛仄  
行無計試放閒塘蓼岸描成秋意須愁解甲隨潮去添  
瘦葦一枝扶起履霜聽徧聲聲宛似玉琴絲裏

徐熙有  
蓼塘蟹

圖傳脰蟹錄履霜操有蟹行卷  
黃庭堅詩寒蒲束縛十六輩

前題

平湖沈皞日 融谷

菱塘風老正亂葦蕭蕭采香船少露白星疎草舍烟  
青燈小溪邊月黑初肥候濕筠籠一天霜曉寒蒲縛  
就漁童未去酒人先到 看秫釀新篛熟早向松火  
山厨蜀薑親擣狼籍杯盤那計悲秋懷抱天津趙北  
東西路也盈車軟塵吹道沉吟鄉味汾湖一曲不如  
歸好

雙灘鵝織蛤

俊味鹽宮稠疊一種小如瓜  
硃最愛蘭湯渟雪卯酒欲  
醒時節雲母乍分瓊屑玉  
楮刻成風葉拾取黏雙蚰  
蝶驚飛鬢影奇絕

湘江靜蛤蚧

獷殼深緘潭底並任吹殘老楓  
誰省房同蘆雉花輪石  
蛙占魚牀清冷網漉雨筠竿  
撥頭響青泥成餅西風古  
水斜陽野田尋啁雀更無影  
甲卸初湯沸定一痕織

嫩黃逾淨不知許事相逢且食把膏脂都屏犯卯未醒  
時喚金釵小盤湏釘幾番為爾勾留住了早春歸興

清波引

西施古

越絲千縷誰暗趁落潮網住恁時看取一錢底湏與悔  
逐扁舟去亂水飄零良苦自從歌罷吳宮聽不到小脣  
語 鳴薑薦俎此風味難得並數島烟江雨短篷醉曾  
煮荔子香辭樹一半勾留為汝試問舊日鴟夷比儂饒  
否

聒龍謠

龍蟲

雨黑南溟烟黃北戶慣候潮痕昏曉倦羽飛來被濕沙  
黏了何嘗見蝨虱塵生宛一似蛄蜣香抱待紅絲綴上  
釵頭又輸與緬蟲小 鮫人市蚤人船過十里五里酒  
人騰笑刀砧喚住擘珠娘纖爪算加恩簿子須添辦異  
味食經重草訝劉郎學拳龍時不曾捫到

曝書亭集卷二十九

欽定四庫全書

曝書亭集卷三十

翰林院檢討朱彝尊撰

詞七

蕃錦集

十六字令 春暮

愁魏別後花時獨上樓魚玄風吹雨李春肯為人留白

易

南歌子 早秋西湖

桂楫中流望

丁仙芝

荷花鏡裏香

李白

無數紫鴛鴦

余延壽

嬋

娟江上月

劉長卿

拂羅裳

閻朝隱

摘得新 伎席

歌有聲

李白

朱絃繁復輕

溫庭筠

碧桐風嫋嫋

陸龜蒙

月初生

建嬋娟花艷無人及

畢耀

早傳名

長孫無忌

桂殿秋 剡城客夜

月漉漉

李賀

雨微微

張泌

故鄉山水路依稀

羅鄴

近來欲睡兼

難睡劉正是歸時底不歸葛鵝

寫劉搗練子吳興感舊

春雨灑馮滴檀藥陸獨宿江城蠟炬殘杜正是花時堪

下淚張更無人倚玉欄杆崔

又同前

無處覓吳不須留劉遲日園林悲昔游杜惟有別

時今不忘顧滿天風雨下西樓許

江南好同周青士過沈山子村居

三春暮

郎大

看竹別貧家

王維

高樹夕陽連古巷  
盧綸小橋

流水接平沙

劉兼

把酒話桑麻

孟浩然

又曉起商氏園亭

更五點

韓愈

珠箔卷輕寒

薛竒童

金谷風光依舊在  
白居易紅

泥亭子赤闌干

李白

迷路出花難

宋之問

又過柯翰周書屋

披磴戶

盧照鄰

踈快頗宜人

杜甫

家醞滿瓶書滿架  
白居易山

花如繡草如茵

許渾

獨坐一園春

盧照鄰

又詠燕

銜泥燕

帝應物

最在美人家

芮挺章

盡日聽彈無限曲

元稹等

閒飛上別枝花

李商隱

一種逐風斜

揚希道

南鄉子

珠江春思

日隱輕霞

王維

紅紅綠綠苑中花

王建

何處更添詩境好

司空

圖聽春鳥

顧況

飛去花枝猶裊裊

帝應物

又度甃社湖

柳拂浮橋

韓偓

青山隱隱水迢迢

杜牧

行盡江南數千里

岑參

蓮風起李賀羅袖動香香不已楊太真

又上谷觀伎

躡珠履楊衡舞羅衣李白清歌寶瑟自相依王駱賓此夜不堪

腸斷絕輿紅燭滅李頎歸去豈知還向月李商隱

憶王孫湯公牧鄭文谿柯翰周飲酒肆

花南水北雨濛濛盧綸十里鶯啼綠映紅杜牧葉葉春衣揚

柳風韓翃出城東王維笑入吳姬酒肆中李白

又春游

清江一曲柳千條

劉禹錫

日出三竿春霧消

同上

上苑梅香

雪裏飄

崔日

馬蕭蕭

杜甫

淥水斜通宛轉橋

韓翃

又後游

平田渺渺獨傷春

李嘉祐

兩岸桃花夾去津

王維

一種佳游

事也均

張諤

草如茵

李賀

不見當時勸酒人

曹唐

又歌席

嬌歌急管雜青絲

岑參

燭暗香殘坐不辭

陸龜蒙

細雨春風

花落時

李白

暗相思

白居易

若問旁人那得知

崔顥

又探梅

一株斜映竹籬門

薛能

磧戶芳烟接水村

司空圖

搖蕩春心

似夢魂

皎然

水雲昏

顏真知

靜愛寒香撲酒樽

羅隱

又題沈武功雙谿草堂

浴鳧飛鷺晚悠悠

杜甫

堤下連檣堤上樓

劉禹錫

紅蓼花疎

水國秋

杜荀鶴

采蓮舟

閻朝隱

直到門前溪水流

常建

又鏡湖秋思

越山重疊越溪斜

羅虬

竹浦風迴雁弄沙

鮑溶

幾箇輕舟在

若邪

王翰

摘蓮花

王勃

江月相隨直到家

李頻

又濟南元夕

今年春色勝常年

崔液

遙望笙歌隔水烟

王建

何處風光不

眼前

王表

月如弦

李叔卿

從未團圓直到圓

王建

江神子

題畫竹

萬條寒玉一溪烟

李賀

迆春泉

孟郊

映秋天

任華

曾憶湘妃廟

裏雨中看

白居易

閒對數竿心自足

張南史

滄海上白雲間

令狐楚

春光好

春恨

花嬋娟

孟郊

月嬋娟

同上

早是傷春夢雨天

韋莊

思絲絲

盧仝

梁間燕子聞長歎

李商隱

春將半

劉禹錫

舊事思量在眼前

白居易

一年年

同上

長相思

歌席

歌遙遙

李賀

管悵悵

同上

花暖江城斜日陰

宋濟

情多酒不禁

白居易

為君吟

李白

動君心

同上

雲母屏風燭影深

李商隱

銷

魂況在今

錢起

昭君怨 題畫

危石纔通鳥道

劉長卿

山色東西多少

皇甫冉

石上幾年松

顧況

碧叢叢

李賀

斷岸沉魚罟罟

陸龜蒙

霜葉無風自落

盧綸

月照一孤舟

孟浩然

去悠悠

韓愈

生查子 別思

楊柳映春江

崔國輔

露葉凝愁黛

盧照鄰

獨立俯閒階

韓偓 離

別人誰在

杜甫

千里夢難尋

溫庭筠

恨極同填海

吳融

本是

細腰人

陸龜蒙

數急芙蓉帶

李商隱

楊柳枝會稽春游

渠柳條長水面齊

王建

燕銜泥

韋應物

花潭竹嶼傍幽蹊

儲光

義草萋萋

岑參

油壁車輕蘇小小

羅隱

向君笑

李白

玉壺春

酒正堪攜

岑參

若邪溪

杜甫

玉蝴蝶

同沈覃九再登平山

秋雲不雨長陰

盧綸

積翠靄沉沉

王維

繫馬又登臨

朱灣

風吹

秋更深

周朴

暗蛩生暮色

無可

寒磬滿空林

劉長卿

沈約瘦

惜惜

李商隱

憑高獨苦吟

韋莊

浣溪沙 同柯寓宛春望

烟柳風絲拂岸斜雍陶遠山終日送餘霞陸龜蒙碧池新漲

浴嬌鴉杜牧閨苑有書多附鶴李商隱春城無處不飛花

韓翅馬蹄今去入誰家張籍

又 西湖早春

雪帶東風洗畫屏許渾便教鶯語太丁寧杜甫看花多上水

心亭張籍隔岸春雲邀翰墨高適傍簷烟雨濕巖扃韋莊瓦

甌斟酒暮山青崔道融

又 虎丘

高閣晴軒對一峯

許

泊舟微徑度深松

元 郎士

水天春暗

暮雲濃

谷 鄒

歌酒家家花處處

易 白居易

羅衫葉葉繡重重

建王 一杯可易得相逢

白居易

又 山塘夜泊

月挂西弓藹藹明

陸龜蒙

春風倚棹闔閭城

李嘉祐

酒旗歌

扇正相迎

陶岷

碧幌青燈風艷艷

元稹

紫槽紅撥夜丁丁

許 一更更盡到三更

杜荀鶴

又小孤山

四面無塵輒擢過

羅隱

秋來江靜鏡新磨

杜牧

碧雲高髻綰

婆婆

曹唐

深洞長松何所有

王維

曉烟清露暗相和

陸龜蒙

白銀盤裏一青螺

劉禹錫

又天津道中

海燕西飛白日斜

許渾

津橋春水浸紅霞

雍陶

鷓鴣灘滿

晴沙

杜甫

樹色到京三百里

殷堯藩

柳條垂岸一千家

劉商

擢聲烟裏獨嘔啞

常莊

又夜泊無錫聞都舟歌者

雲鬢新梳薄似蟬

白居易

江頭暫駐木蘭船

張蟾

水寒烟澹

落花前

譚用之

五夜清歌敲玉樹

曹唐

一隻纖手語香絃

李羣玉

坐來雖近遠於天

吳融

又惜別

惜別愁窺玉女牕

李白

遙知不語淚雙雙

權德輿

綺羅分處

下秋江

許渾

暮雨自歸山悄悄

李商隱

殘燈無燄影幢幢

元稹 仍斟昨夜未開缸

李商隱

又春閨

出意挑鬟一尺長

段成式

巧勻輕黛約殘妝

施肩吾

黃昏獨

自立重廊

柯宗

蠟照半籠金翡翠

李商隱

羅裙宜著繡鴛

鴛

章孝標

不因風起也聞香

羅虬

又同前

十二層樓敞畫檐

杜牧

偶然樓上卷珠簾

司空圖

金爐檀炷

冷慵添

劉兼

小院迴廊春寂寂

杜甫

朱欄芳草綠纖纖

劉兼

年年三月病恹恹

韓偓

減蘭憶別

我行自北

顧況

薄暮欲歸仍佇立

李建勳

言告離衿

宋華一寸

迴腸百慮侵

唐彦謙

吁嗟萬里

歐陽詹

回首可憐歌舞地

甫風雨蕭蕭

韓偓

二十年前舊板橋

劉錫禹

又鴛鴦

荷塘倚扇

李賀

動處水紋開艷艷

張籍

五色氤氳

陳子昂

鏤羽

雕毛迴出羣

皮日休

浮湍戲渚

蕭穎士

看處便須終日住

融折彼荷花

王勃

相趁鳧雛入蔣牙

杜甫

又落花

叢芳爛熳

陳子昂

庭影離離正堪翫

儲光羲

碧樹溟濛

上官昭容

一片西飛一片東

王建

絲纏露泣

韓偓

惟有春風最相惜

揚巨源

灞岸分筵

徐堅

觸忤愁人到酒邊

杜甫

又落葉

蕭其森矣

蕭穎士

客舍秋風今又起

岑參

千樹山家

王起村映

寒原日已斜

元郎士

客無所託

李白

五夜颼颼枕前覺

劉禹

錫覺坐而思

韓愈

不為愁人住少時

戴倫

采桑子

秋日度穆陵關

穆陵關上秋雲起

元郎士

習習涼風

士蕭穎

於彼疎桐

宋華 撼

撼淒淒葉葉同

吳融

平沙渺渺行人度

劉長卿

垂雨濛濛

結元此去何從

宋之問

一路寒山萬木中

韓偓

菩薩蠻

秋日陪劉增美中丞飲冶源亭子愛其山水竹樹之勝題壁四首

遙看一處攢雲樹

王維

秋花錦石誰能數

杜甫

犬吠水聲中

李白回流映似空

盧照鄰

綠陰生晝靜

常應物

亂竹開三徑

勃王未惜馬蹄遙

杜甫

看余渡石橋

宋之問

又

幽栖地僻經過少

杜甫

沙頭雨染斑斑草

白居易

隨意坐莓

苔杜甫清風松下來

孟浩然

鍊金歐冶子

杜甫

但有寒泉水

王維臨眺獨躊躇

杜甫

當看越絕書

高適

相傳歐冶鑄劍於此

又

數株門柳低衣桁

岑參

隔牕雲霧生衣上

王維

森木亂鳴蟬

杜甫溪風為颯然

同上

吏人橋外少

同上

處處聞啼鳥

孟浩然

何必武陵源

高適

都無人世喧

李白

又

山公醉後能騎馬

李白

銀鞍却覆香羅帕

杜甫

回首白雲多

上 依依奈別何

獨孤及

可憐游賞地

姚合

寂寂深烟裏

司空

丈 只想竹林眠

杜甫

逍遙不計年

李白

又 題畫

柴門流水依然在

韓翃

更看絕頂烟霞外

薛逢

路盡有平沙

于 無村不是花

張蠡

身心塵外遠

崔峒

蕭散林亭晚

弓嗣初

一到且淹留

李白

自由中自由

貫休

又題孫武光山南讀書圖

每嗟塵世長多事

羅

終須揀取幽栖地

陸龜蒙

只在此山

中賈島由來趣不同

殷

地寒松影裏

張

喬種竹交加翠

杜

遠權遠出人羣

德

朝朝見白雲

姚合

卜算子

夜過高漢思書屋

深柳讀書堂

劉春虛

暗水流花徑

杜

愛向沙頭把釣竿

嚴

荷葉藏魚艇

岑參

雜樹晚相迷

杜

烟鳥栖初定

孟浩然

認

得詩人在此間

劉禹錫

醉月頻中聖

李白

又泛舟橫塘

春恨幾徘徊

楊炯

無限青青草

皇甫冉

莫為輕陰便擬歸

張旭

輾轉傷懷抱

孟雲卿

野渡亂花飛

司馬禮

風暖聞啼鳥

高弁

多少樓臺烟雨中

杜牧

看竹誰家好

劉長卿

又早春閨思

羅袖拂寒輕

崔液

玉管朝朝弄

張祜

一樹寒梅白玉條

張謂

逐

吹香微動

吳武陵

明月坐來生

顧在銘

遠岫凝氛重

楊思玄

樓上花枝笑獨眠

劉長卿

好作鴛鴦亭

李賀

巫山一段雲 滇江道中

曉鷺棲危石

鄭巢

風榆落小錢

張仲素

綠揚如髮雨如烟

崔魯

兩岸子規天

栖蟾

浦樹遙如待

張九齡

雲沙靜渺然

杜甫

落

霞紅襯賈人

船韋莊

風正一帆懸

王灣

又題毛子霞小像

賦料揚雄敵

杜甫

詩傳謝朓清

李白

凌雲筆扎意縱橫

杜甫

到

處有逢迎

王維

老得滄洲趣

劉長卿

歸來物外情

宋之問

儼

然天竺古先生

王維

圖書表冲盈

孫逖

好事近 飲蓮子湖

春氣滿林香

王翰

水泮寒塘始綠

韋應物

目送迴汀隱隱

陸龜

蒙十餘竿野竹

方干

衛娘清轉過雲歌

羅隱

山月皎如燭

韋應物

若向陽臺薦枕

王勃

得明珠十斛

李賀

柳含烟

春游憶青士天自

船緩進

白居易

就花枝

同上

別路青青柳發

周賀

千條金縷萬

條絲

劉禹錫

復參差

盧綸

兩見梨花歸不得

趙嘏

昨日老於

前日

白居易

不堪愁望更相思

張窈窕

落花時

白居易

清平樂 春感

平陽花塢

李賀

寂寞春山路

杜甫

花亦不知春去處

王建

黃鳥

絲蠻芳樹

韓翃

孤舟日暮行遲

劉長卿

花開花謝相思

韓偓

世事不同心事

劉禹錫

何年更是來期

韓翃

又 雨中夜度蕭山

淒其以栗

蕭穎士

四望都無極

劉又

烟葉蒙籠侵曉色

白居易

不願石郎戴笠

段成式

十點五點殘螢

子蘭

有風有雨人

行 王建 借問山陰遠近

皇甫冉

遙聞擊柝山城

嚴維

又 玉泉山寺招曾青藜徐方虎不至

津流竹樹

張南史

暗指人家去

沈頌

欲識桃花最多處

獨孤及

百轉宮鶯繡羽

鮑防

乘閒莫厭來重

陸龜蒙

殿前殿後花

紅王

王建

遲美人兮不見

陳子昂

抱琴好倚長松

王維

又 維揚春暮

春融艷艷

韓偓

燕外晴絲卷

杜甫

回首夕嵐山翠遠

李紳

芳草

落花無限

丘丹

北來寒食佳期

鮑防

風臺水榭逶迤

鄭棨

子津頭月下

白居易

游人處處歸隨

陳元初

又同程穆倩孫無言泛舟紅橋

鶯和蝶到

張南史

秀發王孫草

陳祐

借問春風何處好

杜牧

逐東西傾倒

張南史

曲水竟日題詩

杜奕

槐陰柳色通達

嚴維

且願相留歡洽

張籍

欲去不去遲遲

子蘭

又送李天生還關中

環山繞野

白居易

驛路飛泉灑

王維

還把玉鞭鞭白馬

張籍取

酒蝦蒸陵下

謝良輔

渭水處處流澌

同上

登高望見昆池

燈更愛終南灞上

呂渭

五陵共獵秦祠

樊珣

欽定四庫全書

味書亭集

卷三十

五

秦樓月 春思

風颯颯

溫庭筠

桃紅李白花參差

蘇軾

花參差枝條鬱鬱

上

容淑景遲遲

樂章

青樓珠箔天之涯

盧全

清風明月遙相

思遙相思

王勃

重吁累歎

王維

識者其誰

韓愈

更漏子

京口晚望

秋風清

李白

秋色白

賀

瓜步寒潮送客

劉長卿

望極浦

王維

度

飛梁

盧照鄰

吟詩秋葉黃

杜甫

幽蘭露

李賀

香楓樹

皇甫冉

吠

犬鳴雞幾處

同上

蒼翠晚

劉長卿

染羅衣

李賀

鳥還人亦稀

李白

阮郎歸 春閨

南園春色正相宜

張謂

蜂雄粉蝶雌

李商隱

水邊楊柳綠烟

絲

揚巨源

長條踈地垂

沈佺期

草淺淺

溫庭筠

雨離離

同上

開花落時

薛濤

收將鳳紙寫相思

李商隱

雙蛾顰翠眉

武平一

河瀆神 大孤山神祠

川上晚蕭蕭

張謂

楚地連山寂寥

李嘉祐

女蘿山鬼語相邀

李商隱

青山暮暮朝朝

劉長卿

樵子農師幾家住

皇甫冉

鴛

鴛一處兩處

皮日休

潮至潯陽回去

張繼

風淒淒今夜雨

王維

又 妒女祠

山木女郎祠

王維

西路翩翩去時

韓翃

綵旛新翦綠楊絲

韋莊

槐花點散杲愚

陳元初

練帶平鋪吹不起

李賀

漠漠黃花

覆水

朱放

繡領任垂蓬髻

杜牧

含情咫尺千里

魚玄機

又 長水三姑廟

花下蝶微飄

陳頗

江臯綠草迢迢

杜牧

一渠春水赤闌橋

溫庭

鈞

空餘滴淚寒潮

劉長卿

野廟向江春寂寂

李羣玉

清川

永路何極

劉長卿

望盡青山獨立

盧綸

紅桃處處春色

魚玄機

又 雨度石湖

漠漠復霏霏

李得

楊花暮雨霑衣

劉長卿

雨涼頻見鷺鷥飛

鄭采蓮艇子撐歸

皮日休

嵐翠暗來空覺潤

溫庭筠

烏向

平蕪遠近

劉長卿

綠倒紅飄欲盡

陸龜蒙

傷心朝恨暮恨

弘

餘

風蝶令 送別

北斗分征路

徐彥伯

南橋列祖筵

徐知仁

生憎柳絮白於絲

杜明日行人已遠

劉長卿

騎連連

王維

詩憶傷心處

杜甫 杯

銜欲別前

韓愈

好花爭奈夕陽天

張泌

惆悵青山綠水

韓愈

急

回船

李康成

賣花聲

紅橋後游寄懷柯翰周

雁齒小紅橋

白居易

惟以招邀

蕭穎士

一渠春水柳千條

白居易

易

正是江南好風景

杜甫

烟月迢迢

韓偓

孤夢楚山遙

許渾

各自無聊

韓偓

玉人何處教吹簫

杜牧

客路不歸秋又晚

張喬

木落蕭蕭

貫休

鷓鴣天

燕臺送陳左源還吳

與客提壺上翠微杜甫薊庭蕭瑟故人稀王之涣扁舟不獨

如張翰杜甫先達誰當薦陸機劉長卿相勸酒李賀遠將歸

王建重嗟筋力故山違杜甫那堪回首長洲苑李嘉祐惟有年

年秋鴈飛李嶠

又 嶧山

天半羣山孤草亭杜甫下方雲雨上方晴馬戴笑拈霜管題

詩句元郎士閒向春風倒酒瓶張籍喜嘉客顏真卿展幽情

上官昭容縈迴樹石罅中行方干他鄉就我生春色杜甫此地纔

金夕四八八  
應聚德星

薛能

又 鏡湖舟中

南國佳人字莫愁

韋莊

步搖金翠玉搔頭

武元衡

平鋪風簾

尋琴譜

皮日休

醉折花枝作酒籌

白居易

日已暮

郎大家

水

平流

白居易

亭亭新月照行舟

張祜

桃花臉薄難藏淚

韓偓

桐

樹心孤易感秋

曹鄴

又 訪舊

一丈紅薔擁翠筠

李商隱

晚來林鳥語殷勤

白居易

松間明

月長如此

宋之問

石上青苔思殺人

樓頽

章臺柳

韓翃鬱氛

氤

李舒

濕雲如夢雨如塵

崔魯

紅箋漫有千行字

裴說

祇是相

思秋復春

李白

河傳 聽鶯

花片

張南史

深淺 同上

半山晴

皎然

落月殷勤早鶯

周賀

楚歌吳

語嬌不成

李白

多情 劉長卿

時時聽一聲

白居易

偶值門開

暫相逐

元稹

聲斷續

盧仝

過盡重重屋

白居易

臨高臺

王勃

重徘徊

徊

清畫

酌來

無名氏

留君醉一杯

戴叔倫

玉樓春 簾內美人

江烟濕雨鮫綃軟羅隱勻粉時交合歡扇權德輿千回相見

不分明王建乍去乍來時近遠韋應物石家蠟燭何曾翦

李商隱五夜漏聲催曉箭杜甫不如眠去夢中看徐安貞誰為

含愁獨不見沈佺期

又 燭下

雨滋苔蘚侵階綠岑參風動落花紅蔌蔌元稹愛君簾下唱

歌人白居易初卷珠簾看不足權德輿何當共翦西牕燭

李商 美酒一杯聲一曲  
李 不知含淚怨何人  
張 料得也

應憐宋玉  
李商

又 小樓

小樓深巷敲方響  
錢 兩兩紅妝笑相向  
崔 本來銀漢是

紅牆  
李商 欲上仙城無路上  
顧 年光到處皆堪賞  
張

素 南陌東城詎來往  
權德 更無消息到今朝  
劉禹 秋思

冬愁春悵望  
白居易

又 畫圖

劉郎已恨蓬山遠

李商隱

金谷佳期重游衍

駱賓王

傾城消

息隔重簾

李商隱

自恨身輕不如燕

孟郊

畫圖省識春風

面

杜甫

比目鴛鴦真可羨

盧照鄰

一生一代一雙人

駱賓王

相

望相思不相見

王勃

瑞鷓鴣

春思

尋春何事却悲涼

王建

半掩朱門白日長

韋莊

已恨流鶯欺

謝客

溫庭筠

不令仙犬吠劉郎

曹唐

女蘿力弱難逢地

曹

戲蝶飛高始過牆

姚合

誰與王昌報消息

李商隱

銀缸斜背

解明璫

裴思  
謙

又別思

春橋南望水溶溶

韋莊

半壁天台已萬重

許渾

心寄碧沉空

婉孌

劉滄

語來青鳥許從容

曹唐

更為後會知何地

杜甫

難

道今生不再逢

韓偓

最憶當時留讌處

呂溫

桐花暗澹柳惺

忪

元稹

又感舊

謝家輕絮沈郎錢

李商隱

風景依稀似去年

趙嘏

石瀨雲溪

深寂寂

權德輿

綠牕紅淚冷涓涓

李郢

落花不語空辭樹

白居易

明月無情却上天

薛逢

還有些些惆悵事

白居易

而今

重說恨絲絲

張籍

虞美人

雲中送俞右吉之鄴下

來時萬里同為客

司空圖

廣武原西北

張祜

看看北鴈又南

飛施肩吾

慎莫愁思顯顛損容輝

王維

無端更渡桑乾水

賈島行路難如此

杜甫

蕭蕭羸馬正塵埃

羅隱

烟裏歌聲隱隱

魚玄

入叢臺

上官儀

南鄉子

舊游

川闊遠天低

戎

垂柳陰中白馬嘶

秦韜

君過午橋回首

望

劉禹錫

東西

鮑防

依舊烟籠十里隄

韋莊

北渚對芳蹊

姚崇

自在嬌鶯恰恰啼

杜甫

腸斷舊游從一別

沈彬

尋溪不是

花迷客自迷

李商隱

踏莎行

中秋席上送吳孝廉南還

積水深沉

盧綸

平原廣潔

張南史

夕陽照箇新紅葉

司空圖

秋

風滿樹鵲南飛

儲嗣宗

不寒不暖看明月

徐凝

風月相知

上官昭容

故人離別

顧況

世間惟有情難說

同上

百壺那送酒如

泉

杜甫

但須茗芋酬佳節

杜牧

臨江仙

客東甌懷歸

何處春風吹曉幕

顧況

蠻江豆蔻連生

韓偓

故鄉七十五長

亭

杜牧

欲尋芳草去

孟浩然

不遣柳條青

李白

自是不歸歸

便得

崔塗

津頭日日人行

皇甫冉

可憐寒食與清明

明皇

落花

相與恨

帝承慶

江樹遠含情

宋之問

又 峽中望飛來寺

兩岸青山相對出李至深至淺清溪李寒猿晴鳥一時

啼白居易泉聲咽危石王维草色引長隄皇甫冉乘興輕舟

無近遠賈至人隨流水東西劉長卿夜深臺殿月高低杜牧橋

回忽不見岑參山木萬株齊劉長卿

又寄題澹公丹霞精舍

蘭若去天三百尺岑參生涯一片青山顧況朝看飛鳥暮飛

還李頎愛茲山水趣閻防還肯到人間張謂風景蒼蒼多少

恨劉滄猿聲南接荆蠻令狐楚樹深藤老竹迴環白居易何時

一茅屋

杜甫

吾黨共追攀

賈島

又汾陽客感

無限塞鴻飛不度

李益

太行山礙并州

白居易

白雲一片去

悠悠

張若虛

飢鳥啼舊壘

沈佺期

古木帶高秋

劉長卿

永夜

角聲悲自語

杜甫

思鄉望月登樓

魏扶

離腸百結解無由

魚玄

機

詩題青玉案

高適

淚滿黑貂裘

李白

又胡天岫移居審山寄之

新買雙溪定何似

王維

條桑種杏何人

皇甫冉

園收芋栗未

全貧

杜甫

水迴青嶂合

孟浩然

山逼畫屏新

李白

詩酒尚堪

驅使在

杜甫

經過北里南鄰

王維

性情嬾慢好相親

白居易

遠

尋留藥價

杜甫

小睡凭藤輪

同上

又

懷歸寄周青士終天自

流落天涯誰見問

韋莊

一生判却歸休

柳宗元

漁竿消日酒

消愁

高駢

黍苗侵野徑

虛中

竹樹繞春流

張謂

想得故園今

夜月

錢翊

還應先照西樓

韓偓

挈烟閒弄箇漁舟

陸龜蒙

名山

思徧徃

賈島

作意共君游

張籍

南樓令

香萼媚紅滋

徐彥伯

微芳不自持

張九齡

陟秦臺

上官昭容

俯盼

喬枝

同上

獨倚闌干正惆悵

張蠟

三月盡草青時

韓偓

揮手

碧雲期

楊諫

空歌悲莫悲

閻寬

落花飛

王勃

遠近涼颼

宋華

別恨

最深何處寫

李端

兩不見但相思

李白

又春愁

細草綠汀洲

李嘉祐

斜陽下小樓

杜牧

一回來

白居易

使我生

憂

韓愈

記得玉人春病後

薛能

生枕上起眉頭

魏扶

此意重

悠悠

揚巨源

此情非自由

戴司顏

笑春風

李白

胡不為留

韓愈欲

寄相思千里月

杜牧

君不見曲如鉤

齊己

蝶戀花

春暮

滿眼流光隨日度

元稹

晨往東臯

王維

花雜重重樹

杜甫

最是

一年春好處

韓愈

王孫不耐如絲雨

高蟾

欲訪桃源入溪

路

王昌齡

臨水鳴琴

宋華

不覺芳洲暮

鄭愔

落日已將春色去

李昌符

生憎燕子千般語

駱賓王

又

錢塘觀潮

楓浦客來烟未散

許

如訴如言

羅

漸落分行鴈

李

嶼解道

澄江淨如練

李

風翻白浪花千片

白居

細雨濕衣看

不見

劉長卿

浩汗連絛

張希復

地闊平沙岸

杜甫

信宿漁人還

汎汎

上同

富陽山底樟亭

白居

又閒適

帳裏爐香春夢曉

韓翃

雀噪荒村

王維

花落知多少

孟浩然

寂

窈柴門人不到

王維

橋邊日日看芳草

皇甫冉

小舫一艘

新造了

白居易

有竹千竿

同上

水葉分蓮沼

高正臣

行處便吟

君莫笑

薛能

一生飲酒花前老

張籍

又詠春雨

江海茫茫春欲徧

劉長卿

草細堪梳

李賀

野色寒來淺

羅隱

向

晚因風一川滿

薛竒童

蘭閨柳市芳塵斷

駱賓王

越女含

情已無限

羊士諤

杉篠萋萋

蕭穎士

天畔登樓眼

杜甫

此夜斷

腸人不見

顧況

紗牕只有燈相伴

裴悅

漁家傲

贈別

花面鴉頭十三四

劉禹錫

調箏夜坐燈光裏

王諲

行到階前

知未睡

無名氏

揮玉指

閻朝隱

絃絃掩抑聲聲思

白居易

會

得離人無限意

鄭谷

杯傾別岸應須醉

羅隱

曾向五湖期范

蠶

韋莊

幾千里

盧仝

如何遂得心中事

劉言史

十拍子

同李武曾潘次耕蔡竹濤過玉泉山寺

上苑離離鶯度

劉方平

前溪漠漠花生

周賀

溪畔數鷗閑不

起

殷文圭

馬上吟詩卷已成

法振

千山冰雪晴

盧綸

魚網平

鋪荇葉

李嘉祐

板橋人渡泉聲

顧況

行殿有基荒薺合

許渾

塢無塵水檻清

李商隱

偏傷遠客情

陶翰

天仙子 惜春

何許相逢綠楊路

劉錫高

萬疊春波起南浦

張泌

碧雲芳草

雨依依

韋莊

君莫訴

無名氏

相思苦

王勃

況是青春日將暮

李賀

昨夜東風還入戶

元郎士

燕子不歸花著雨

韓偓

今朝誰

是拗花人

李賀

春已去

王建

留不住

李萼

此地獨來空繞樹

張籍

又喬柱史壽詞

秋水纔深四五尺

杜甫

湖館翛然無俗客

裴夷直

種松皆老

作龍鱗

王維

一隻

白居易

鶴一隻

吳融

周步一池消半日

皮日

休顏貌只如三二十徐疑年來漸覺鬢鬚黑劉商人間豈

不是神仙劉真紫毫筆白居易珊瑚席顧况滴露研朱點周易

駢高

風入松憶別

楚腰纖細掌中輕杜牧出水舊知名李商隱數聲風笛離亭

晚鄭谷猶宛轉陸士修久住雲駢樂章獨望天邊初月竇弘殷

勤遠別深情嚴維流年堪惜又堪驚趙嘏秋水綠痕生楊巨

源魂銷事去無尋處李中西陵下李賀蕭颯松聲上官昭容惆悵

空教夢見

韓偓

如何作得雙成

魚玄機

滿江紅

春日懷歸

燕燕于巢

顧况

卷翠幕

李芳

花張錦織

鮑溶

芳菲節

柳姬

光風轉

蕙

樂章

漏添遲日

韓偓

世事浮雲何足問

王維

簾前春色應須

惜

岑參

勸少年

李紳

放意且狂歌

翁承贊

陳瑤席

王維

春向晚

劉禹錫

日西夕

李紳

閒徒倚

吳融

長思憶

韓偓

只將琴作伴

白居易

東西南北

貫休

鄉信漸稀人漸老

許渾

流光易去歡難得

鮑防

早歸來

杜甫

已是十年游

張喬

江南客

鮑溶

水調歌頭 暮春山居

返景照疎雨李白層閣有餘清蘇頌浮雲卷靄盧照鄰獨樹花

發自分明杜甫池北池南草綠王建共握手而相顧徐堅遠近

聽泉聲王勃野果新成岑參山鳥自呼名宋之問人寂寞

盧山垞盧照鄰水澄泓顧况有竿斯竹蕭穎士無數春筍滿

林生杜甫酌酒會臨泉王維求壽藤與蟠木元結扶汝醉初

醒杜甫宛是野人也王維無事亦無營張九齡

又送孫無言歸黃山

溪水碧於草

岑參

輕柶理還舸

賀知章

故山南望何處

李祐

三十二蓮峯

李白

懷宇宙以傷遠

陳子昂

送飛鳥以極目

李白

長揖古人風

駱賓王

意氣百年內

賀遂亮

心事一杯中

高適

碧烟上

沈佺期

觀瀑布

任華

舞蛟龍

李賀

白雲千里萬里

劉長卿

日色冷青松

王维

攀石壁而無據

盧照鄰

撫桂枝以凝想

徐賢

如魚鳥去來逢

李嶠

誰識巢居子

陳子昂

但訝鹿皮翁

杜甫

滿庭芳

春暮入雲門山贈月公

迸筍穿溪

成用

陰槐翳柳

蕭穎士

年華近過清明

韓翃

如蒿深葉

暖路入亂山行

劉長卿

天下只應我愛

白居易

雲門寺

杜甫

薄地躬耕

王維

杳容與

顧況

深林倚策

耿湣

高興小蓬瀛

姚崇

吾師無一事

李頎

松門石磴

白居易

繡澀苔生

李白

喜無多屋

宇

杜甫

自足怡情

上官昭容

夜後邀陪明月

元稹

龕燈斂

段成式

印

火熒熒

張希復

閑中好

鄭符

綠樽翠杓

夷陵女子

何忍獨為醒

王續

歸田歌

柯翰周見過村舍夜話即歸朝薇

寂寞江天雲霧裏

杜甫

破屋數間而已矣

韓愈

風光便是武

陵春干逍遙自有蒙莊子

趙彥昭

起來花滿地

于清溪

道穿桃李

王維闢前軒

顏真知田風拂拂

李賀得酒且歡喜

韓愈

盤餐市遠無兼味

杜甫客到但知留一醉

李白濁醪粗飯

任吾年

杜甫憑君莫話封侯事

曹松外物非本意

李願世情付

與東流水

高適為君題

岑參洞天石扇

李白丘壑趣如此

錢起

沁園春

送曹子顧學士還南溪

草堂去來

白居易有橋有船上

有尊有魚

蕭穎士

又不勞朝

謁

白居易

趣侔江海

及獨孤

縱心放志

白居易

丈室安居

釋昇

明

月清風

尼陵女子

繡林錦野

貫休

秋水浮階溜決渠

杜甫

人來去

劉長問家何所有李頎吾亦無餘白居易夜歸讀古人書

韓愈一日日白居易鈔詩付小胥杜甫任頭生白髮白居易物兮

無累羅隱歌齊曲韻王勃道著清虛范克松桂為鄰上官烟

霞問訊同聲利從來解破除陸龜蒙鷓鴣杓李儻有人送

否王維每駐行車張籍

曝書亭集卷三十